

"মিষ্টি বাচ্চারা - তোমাদের এখন আসুরিক অপগুণ সরিয়ে ঈশ্বরীয় গুণ ধারণ করতে হবে, বাবার থেকে নিজের ২১ জন্মের স্বরাজ্য নিতে হবে"

প্রশ্নঃ - বাবার কোন অ্যাক্ট তোমাদেরও অ্যাক্ট হওয়া উচিত ?

উত্তরঃ - বাবার অ্যাক্ট হলো সবাইকে জ্ঞান আর যোগ শেখানোর । এই অ্যাক্ট বাচ্চারা তোমাদেরও অবশ্যই করতে হবে । পতিতকে পবিত্র বানাতে হবে । তোমাদের কারবার হলো রুহানী সার্ভিস করা । কোন কোন বাচ্চা শরীর ছেড়ে চলে যায় তারপর আবার নতুন দেহ নিয়ে এই মেহনতই করতে থাকে । দিন-দিন তোমাদের সার্ভিস বেড়ে যাবে ।

গীতঃ- ওম্ নমঃ শিবায় . . .

ওম্ শান্তি । এই গীত এখানেই শোভন কারণ এই গীত উঁচু থেকেও উঁচু বাবার মহিমা । রুদ্র বাবা নয়, শিববাবা । তোমরা শিববাবা বা রুদ্রবাবা যাই বলো দুইই এক হওয়া সত্ত্বেও তোমাদের শিববাবা বলাই শুনতে ভালো লাগে । তোমরাও শরীর ধারণ করে এখানে বসে আছ । বাবা ব্রহ্মা দ্বারা তোমাদের বোঝাচ্ছেন । নয়তো শিববাবা বলতেন কিভাবে ? তিনি চৈতন্য, সত্য, জ্ঞানের সাগর । তাহলে তো নিশ্চয়ই জ্ঞানই শোনাবেন । নিজের পরিচয় দেওয়া, সেটাও তো জ্ঞান ! তারপর তিনি রচনার আদি -মধ্য -অন্তের জ্ঞান দেন অর্থাৎ স্পষ্টভাবে বুঝিয়ে দেন, একেও জ্ঞান বলা হয় । কাউকে বোঝানো বিশেষতঃ ঈশ্বর সম্পর্কে কিছু বলা সেটাও জ্ঞান । ঈশ্বর নিজেই তাঁর পরিচয় দেন । ইংরাজীতে বলা হয় ফাদার সোজ্ দ্য সন্ । বাবা এসে নিজের পরিচয় দিয়ে, সৃষ্টির আদি, মধ্য, অন্তের জ্ঞান দেন । ঋষি, মুনি এনারা সব বলতেন আমরা রচয়িতা বা ঔনার রচনাকে জানিনা । বাবা এখন বুঝিয়েছেন, তাই বোঝা যায় যে, এই জ্ঞান অন্য কেউ দিতে পারেনা; যে জ্ঞান থেকে মানুষ উঁচু পদ পায় । নিশ্চিতভাবে সেই পদ দেবী-দেবতাদেরই । তোমরা বাচ্চারা বুঝেছ, অথও, অবিচলিত পবিত্রতা, সুখ, শান্তি, সম্পত্তি তোমাদের ঈশ্বরীয় জন্মসিদ্ধ অধিকার, যা তোমরা আবার একবার লাভ করছ । সুখধাম হলো ঈশ্বরীয় জন্মসিদ্ধ অধিকার আর দুঃখধাম হলো আসুরিক জন্মসিদ্ধ অধিকার । রাবণ দ্বারা আমরা পতিত হই । রাবণের থেকে আত্মারা পতিত হওয়ার উত্তরাধিকার নেয় । তারপর আবার পরমাত্মা রাম এসে পতিত থেকে পবিত্র বানান । এটা কারও জানা নেই যে অর্ধ কল্প ধরে রাবণ ভারতের পুরানো শত্রু । মানুষ রামরাজ্য চায়, তার মানে এখন রাবণ রাজ্য । যতই হোক, তারা নিজেদের পতিত বা রাবণ মনে করেনা । এখন এই আসুরিক সম্প্রদায় পরিবর্তিত হয়ে দৈবী সম্প্রদায়ে পরিণত হচ্ছে । তোমরা এখানে আসো আসুরিক অপগুণ সরিয়ে দৈবী গুণ ধারণ করতে । ঈশ্বরীয় গুণ বাবাই ধারণ করান । তোমরা জানো যে, এখন তোমরা এসেছ বেহদের বাবার থেকে ২১ জন্মের জন্মসিদ্ধ অধিকার, স্বরাজ্য নিতে । তোমরা এখানে বসে আছ সূর্যবংশী এবং চন্দ্রবংশী স্বরাজ্য প্রাপ্ত করতে । যে স্বরাজ্য তোমরা কল্প কল্প লাভ করে আসছ । এটা তোমরা হারিয়ে ফেল তারপর আবারও প্রাপ্ত করে নাও । এটা তো তোমাদের বুদ্ধিতে থাকা উচিত, তাই না ! তোমরা এখন বাবার থেকে তোমাদের উত্তরাধিকার লাভ করছ ! যে বাচ্চারা উত্তরাধিকার নিচ্ছে তাদের তো বাবাকে স্মরণ করতে হবে, তাই না ! এটা তো তোমাদের বুদ্ধিতে আসা উচিত, তোমরা মাতাপিতার সামনে বসে আছ বরসা নেওয়ার জন্য । তিনি ব্রহ্মামুখ দ্বারা আমাদের সাথে কথা বলেন । যারা

বাবার কোল নেয় তাদের অবশ্যই ব্রাহ্মণ বলা হবে। এই হলো জ্ঞান যন্তু তারপর একে তুমি যন্তুই বল আর পাঠশালা বলা, একই কথা। যখন রুদ্রজ্ঞান যন্তু রচিত হয় তখন লোকে পাঠশালাও বানিয়ে দেয় যেখানে তারা শাস্ত্র ইত্যাদি পড়ে, একদিকে বেদ, শাস্ত্র ইত্যাদি, একদিকে গীতা, অন্যদিকে আর একদিকে তারা রামায়ণও পড়ে। যারা গীতা শুনতে চায় তারা একদিকে যায়, যারা রামায়ণ শুনতে চায় তারা একদিকে যায়। এটা রুদ্র জ্ঞান যন্তু যেখানে সবকিছু স্বাহা করতে হবে। এখন সৃষ্টির শেষ এবং এই সব যন্তুও শেষ। জ্ঞান যন্তু একটাই হয়। অন্যান্য যে অনেক রকম যন্তু আছে, সেই সব মেটিরিয়াল যন্তু সেখানে তারা যব, তিল ইত্যাদি সামগ্রী দেয়। এটা হল বেহদ যন্তু, এর মধ্যে এই সবকিছু স্বাহা হয়ে যাবে আর তারপরে আবার একবার নতুন দুনিয়ার জন্ম হবে। সেখানে দুঃখদায়ী কোনও কিছু হয়না। এখানে কত দুঃখ। অসুস্থতা ইত্যাদি কত বেড়ে যাচ্ছে; নানারকম দুঃখ আর রোগের উপস্থিতি! ড্রামাতে এই সবকিছু স্থির হয়ে আছে। নানারকম মানুষের মতো নানারকম দুঃখ বিদ্যমান। একে বলা হয়ে থাকে দুঃখধাম, শোক বাটিকা। মানুষ দুঃখী কারণ এটা রাবণরাজ্য। রামরাজ্যে রাবণ হয়ই না। অর্ধ কল্প সুখধাম, অর্ধকল্প দুঃখধাম। রাম বলা হয় নিরাকার পরমপিতা পরমাত্মাকে। প্রথমতঃ, রুদ্র মালা নিরাকার আত্মাদের এবং তারপর বিষ্ণুর সাকার মালা তৈরি হয় অর্থাৎ রাজত্বের মালা; তারা নশ্বর ক্রমানুসারে রাজ্য শাসন করে। বাচ্চারা তোমাদের এটা স্পষ্টভাবে বুঝে অন্যদেরও বোঝাতে হবে। সময় যেমন যেমন কাটতে থাকবে তেমন তেমন জ্ঞান শর্ট হতে থাকবে। এত শর্টে বোঝানোর জন্য বাবা যুক্তি তৈরি করছেন। বিনাশের সময় মানুষের বৈরাগ্য আসবে। তারা তখন বুঝবে যে, এটা নিশ্চয়ই সেই গুরুত্বপূর্ণ মহাভারতের লড়াই। নিশ্চিত যে, ভগবানই নিরাকার হবে, কৃষ্ণ তো হতে পারেননা। একমাত্র নিরাকারকেই সবার পতিতপাবন, সদগতি দাতা বলা হয়ে থাকে। এই টাইটেল অন্য কাউকে দেওয়া যায়না। বাবা এটাও বুঝিয়েছেন যে, দেবতাগণ কখনও অপবিত্র দুনিয়ায় পা রাখতে পারেননা। তোমরা লক্ষ্মীর থেকে ধন চাও কিন্তু লক্ষ্মী কোথা থেকে ধন আনবেন? এখানে মাঝাও বাবার থেকে ধন নেন। সেখানেও বাবা সাথী হবেন। এখানে সরস্বতীর সাথে ব্রহ্মা আছেন। সেখানেও অবশ্যই উভয়কে একসাথে থাকতে হবে। তার কিছু নিদর্শন হতে হবে। ধন অবশ্যই কোথাও থেকে আসে, এইজন্য মহালক্ষ্মীর পূজা হয়। তাঁকে চতুর্ভুজা দেখানো হয়, কিন্তু বহু পদে নয়। রাবণকে দশানন দেখানো হয় কিন্তু বহু পদে নয়। সুতরাং, এটা প্রমাণ হয় সেইরকম মানুষ হতে পারেনা; এটা বোঝানোর জন্যে। যখন কারও স্বামী মারা যায় তার আত্মাকে ইনভাইট করা হয়ে থাকে, কিন্তু সে কিভাবে আসতে পারে? সে ব্রাহ্মণ পুরোহিতের দেহে আসে; তাকে সাহায্যের জন্যে আসতে মিনতি করা হয়। এই রীতি-রেওয়াজ ড্রামায় নির্ধারিত আছে। তারপর কি হলো? সেই আত্মা আসে। আত্মাদের আহ্বান করা তাদের খাওয়ানোর জন্যে, কিন্তু এখানে বাবা নিজে এসে তোমাদের অর্থাৎ বাচ্চাদের খাওয়ান। বাচ্চারা তোমাদের কারবার এখন সার্ভিস করা। কেউ কেউ শরীর ছাড়ার পরে মেহনত করে অর্থাৎ তারা তাদের পরবর্তী জন্মেও মেহনত করতে থাকে। তোমাদের কারবার হলোই পতিতকে পবিত্র বানানো। তোমরা আরও এগিয়ে গিয়ে দেখ সার্ভিস কত বাড়বে! এইরকম পূর্ব কল্পও হয়েছিলো; এটা সেই এক রীল। তোমরা বাচ্চারা জানো, যা কিছু হয় তা পূর্ব কল্পে যেমন হয়েছিলো তেমনই হচ্ছে। বাবাও সেই জ্ঞান আর যোগ শেখানোর একই অ্যাক্ট করছেন, যেমন কল্প পূর্বে করেছিলেন। এর মধ্যে এতটুকুও প্রভেদ হতে পারেনা। এটা তো ড্রামা, তাই না! আমরা আত্মারা ঘর থেকে এখানে নীচে আসি। আমরা মানুষের দেহ ধারণ করে নিজেদের পার্ট প্লে করি। ৮৪ জন্ম এবং ড্রামার চক্রকে তোমাদের পুরোপুরি বোঝাতে হবে। এইসব কেউ জানতো না, আমরা নিজেরাই আগে জানতাম না! তোমরা কল্প পূর্বে জেনেছিলে, আবারও একবার জানছ। রচনা এবং রচয়িতার

আদি, মধ্য, অন্তের মর্মার্থ তোমরা এখন বুঝতে পারছ। তোমাদের বুদ্ধিতে রাখতে হবে, উঁচু থেকেও উঁচু বাবা, তিনিই একমাত্র, যিনি তোমাদের উত্তরাধিকার দেন এবং তারপরে ব্রহ্মা, বিষ্ণু, শংকর। ব্রহ্মা দ্বারা স্থাপনা হয়, তারপর তিনিই বিষ্ণুপুরীর মালিক হয়ে পালন করেন। বিষ্ণুপুরী বলা বা লক্ষ্মী-নারায়ণের পুরী একই কথা। তোমরা জানো যে, সূর্যবংশী এবং চন্দ্রবংশীর ২১ জন্মের উত্তরাধিকার তোমরা বাবার থেকে লাভ করছ। বাবা বলেন, বাচ্চারা, তোমরা আমার ছিলে, তোমাদের আমি পাঠিয়েছি পাট প্লে করতে। এও ড্রামায় নির্ধারিত হয়ে আছে। কোনকিছু কেউ বলতে পারেনা। তোমরা এও বুঝতে পারো, যথার্থভাবে যে পুরুষার্থ করবে নম্বর ক্রমানুসারে আবার সুখধামে যাবে। তোমরা সুখধামকে স্মরণ করো। তোমরা বুঝতে পারছ যে, এটা দুঃখধাম; এই ব্যাপারে কেউ জানেনা। তোমাদের বুদ্ধিতে আছে যে, এটা দুঃখধাম। যিনি সুখধাম স্থাপন করছেন সেই বাবার থেকে তোমরা উত্তরাধিকার নিচ্ছ। আমরা জীবিত থাকতে থাকতেই বাবার হয়েছি। একটা বাচ্চা রাজার কোল নিলে সে তো বুঝতে পারে যে, "আমি রাজার হয়েছি," তাই না! আগেও লৌকিক সম্পর্ক ছিলো এবং পরেরটাও লৌকিক সম্পর্ক। এখানে, প্রথমে লৌকিক পরে অলৌকিক হয়ে যায়। তোমরা বুঝতে পারছ যে, তোমরা রামের হয়েছ যেখানে অন্যান্য বাকি সব রাবণ কুলের। তারা একদিকে আর তোমরা একদিকে। আত্মা জানে যে, সে প্রকৃতিই ৮৪ জন্ম সম্পূর্ণ করেছে। আমি আত্মা, পুরানো শরীর ছেড়ে আবার নতুন শরীর ধারণ করি। তোমরা পুরুষার্থ করছ, সবার সদগতি দাতা জ্ঞানসাগর পতিতপাবন বাবা দ্বারা। তিনি এই ব্রহ্মা দ্বারা পড়ান। আত্মা পড়ে। আত্মাতেই ব্যারিস্টার ইত্যাদির সংস্কার থাকে, তাই না! আত্মা অরগ্যান্স দ্বারা বলে। তোমাদের আত্ম-অভিমানী হতে অনেক পরিশ্রম করতে হয়। বাবা তোমাদের রায় দেন, অমৃতবেলার সময়, খুব গুরুত্বপূর্ণ। সেই সময় নিজেকে আত্মা নিশ্চয় করে বাবাকে স্মরণ করলে তোমরা অর্থাৎ আত্মাদের মধ্যে যে জং লেগেছে তা' সরে যাবে। আত্মায় খাদ মিশে গেছে। পিওর সোনা দিয়ে পিওর অলংকার তৈরি হয়। আত্মাতে জং ধরে গেছে, সুতরাং সেই অনুসারে তারা দেহ প্রাপ্ত করে আর এই কারণে তোমাদের লাইটের ওবের-এর মধ্যে (আলোর শরীর) অর্থাৎ আলোক বৃত্তের মধ্যে রাখা হয়। কিন্তু এটা সম্পূর্ণই বুদ্ধি দিয়ে বোঝার ব্যাপার। তোমরা বাবার স্মরণে বসেছ, আর কোনও সমস্যা নেই। যেমন বাচ্চা তার বাবাকে মনে করে। ইঁনি বেহদের বাবা। অন্য আত্মারা দেহকে স্মরণ করে। এখন তোমরা আত্মারা বাবাকে স্মরণ করে। বাবা বলেন, আমি বেহদের বাবা, সুতরাং নিশ্চিত, আমি অবশ্যই বেহদের সুখ দেবো। আমি এই সুখ পূর্ব কল্পেও তোমাদের দিয়েছিলাম। ভারত অবশ্যই এই বিশ্বের মালিক ছিলো। শত্রু ইত্যাদি কেউ ছিলো না। এখন তোমরা সুখধামের মালিক হতে যাচ্ছ। তোমরা অজ্ঞানী হয়েছিলে। যে তোমরা স্বর্গের যোগ্য ছিলে সেই তোমরা এখন নরকযোগ্য হয়ে গেছ। বাবা এসেছেন আবার একবার তোমাদের স্বর্গের উপযুক্ত বানাতে। নিরাকার শিব জয়ন্তী যেমন হয়, গীতা জয়ন্তীও হয়। মানুষ সত্যিই বিশ্বাস করে, যখন শিববাবা আসেন তখন ভগবান বলেন আর সেই কারণে আবার গীতা জয়ন্তী হয়। তিনি আবার এসে নিজের পরিচয় দেবেন, তাই না! তিনি এসে যা বলেছিলেন তা' থেকেই গীতার রচনা হয়েছে। তোমরা বাচ্চারা জানো, রাবণ কি! রাবণের সাম্রাজ্য এখন ধ্বংসের মুখে। মৃত্যু সামনে দাঁড়িয়ে। পূর্ব কল্পেও এই দুনিয়ার বদল হয়েছিলো। কত স্পষ্টভাবে সবকিছু বোঝানো হয়। এটা অনেক মেহনতের। ঘর-গৃহস্থ থেকে কমল পুষ্প সমান পবিত্রতা ধারণ করে, একই সময় এই কোর্স নাও। টিচারকে জিজ্ঞাসা করো। এই কোর্স খুব সোজা। ঘরে থেকে আমাকে স্মরণ করো এবং সৃষ্টির আদি মধ্য অন্তকে জানো। যারা সাতদিনের কোর্স শোনে তাদের মধ্যে থেকে অল্প কয়েকজনই বেরোয়। প্রত্যেক মানুষের নাড়ী বুঝতে হবে। এইরকম দেখা যায় যে, কয়েকজনের মনোযোগ খুব গভীর। সামনে বসে বাবার জ্ঞান শুনতে তারা ব্যাকুল। তাদের মুখ এবং বাতাবরণে

তোমরা বুঝতে পারো। নাড়ী ঠিকভাবে বুঝতে না পারার কারণে ভালো ভালো বাচ্চারাও চলে যায়। তারা বলে সাতদিনের সময় হবে না, কি করবো! কেউ কেউ বলে, আমাদের দর্শন করাও। তাদের বলো প্রথমে এসে বুঝতে। তাদের জিজ্ঞাসা করো, তোমরা কার কাছে এসেছ? পরমপিতা পরমাত্মার সঙ্গে তোমার সম্বন্ধ কি? তুমিও তো ব্রহ্মাকুমার- কুমারী, তাই না! তুমি শিববাবার পৌত্র সূতরাং ব্রহ্মার বাচ্চা হলে। বাবা স্বর্গের রচয়িতা, সূতরাং তিনি অবশ্যই উত্তরাধিকার দেন। রাজযোগ শেখান। তাদের ভালোভাবে বুঝিয়ে তারপরে তোমাদের উচিত হবে সেটা তাদের দিয়ে লিখিয়ে নেওয়া। অনেকে একদিনেই ভালোভাবে বুঝতে পারে। তীক্ষ্ণ বুদ্ধির এমন অনেকে বেরোবে যারা গ্যালপ (লাফিয়ে) করে এগিয়ে যাবে। আচ্ছা।

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ-স্নেহ আর গুড মর্নিং। রুহানী বাবার রুহানী বাচ্চাদের নমস্কার।

ধারণার জন্যে মুখ্য সারঃ-

- ১) অমৃতবেলায় উঠে বাবাকে ভালবাসার সাথে স্মরণ করে আত্ম-অভিমানী হওয়ার মেহনত করতে হবে। স্মরণের শক্তি দ্বারা বিকারের জং সরিয়ে দাও।
- ২) ঘর- গৃহস্থ থেকে কমল পুষ্প সমান হওয়ার কোর্স নাও। প্রত্যেকের নাড়ী বুঝে এবং এই বিষয়ে তাদের জানার আগ্রহ দেখে তারপরে জ্ঞান দাও।

বরদানঃ- সম্বন্ধ সম্পর্কে এসে যারা সদা সন্তুষ্ট এবং অন্যকে সন্তুষ্ট করে, এমন গুপ্ত পুরুষাধী ভব

সঙ্গমযুগ সন্তুষ্টির যুগ, যদি তুমি সঙ্গমযুগেই সন্তুষ্ট না থাকতে পারো তবে আর কবে থাকবে? এইজন্য না নিজের মধ্যে কোনরকম দ্বন্দ্ব রাখবে আর না অন্যের সঙ্গে তোমার সম্পর্ক সম্বন্ধে দ্বন্দ্ব হতে দেবে। মালা তখনই তৈরি হয় যখন একটা দানা অন্য দানার সম্পর্কে আসে। এইজন্য সম্পর্ক-সম্বন্ধে সদা সন্তুষ্ট থাকতে হবে এবং সন্তুষ্ট করতে হবে, তবেই মালার দানা হতে পারবে। পরিবারের অর্থই হলো নিজে সন্তুষ্ট থেকে অন্যকে সন্তুষ্ট করা।

স্নোগানঃ- পুরানো স্বভাব-সংস্কারের অংশমাত্রও ত্যাগ করে যারা, তারাই সর্বাংশ ত্যাগী।